



## Future-proofing our children

Pele ga sekolo sa Tshipi

Setlhogo

Noah le areka

A Mokaedi wa batsadi  
Sekolo sa Tshipi ithutelo lapeng



Go Motsadi

O amogelesegile mo “**Noah le areka**” Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: <a href="https://bit.ly/3NACSSHS">https://bit.ly/3NACSSHS</a>
2.	Kgobokanya di dirisiwa tse di latelang go netefatsa fa o ipaakanyeditse thuto e: <ul style="list-style-type: none"> <li>• Baebele</li> <li>• Mokwalo wa thuto wa PDF o o setseng o baakantswe.</li> <li>• Pena, metako le lekwalo la ngwana, etc.</li> <li>• Setshwantsho sa motshikhinyego se se leng thuso e nngwe</li> <li>• Katakasima le Dipotso le dikgarabo (bogolo jang mo batlhomamisiweng)</li> </ul> <p><b>Ela tlhoko:</b></p> <p>2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo.</p> <p>2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wag ago botoka! <i>Tirelo ya sekolo sa tshipi ga e hete metsotso e 45</i> .</p> <p>2.3: Thuto e lebaganye (Batlhomamisiwa 1).</p> <p>2.4: O ka kopa thuso mo morutabana wa gago wa batlhomamisiwa fa o tlhoka thuso.</p>
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. <b>Sekai:</b> Nnang mo tafoleng kana phate.
5.	Bala thuto. E bale gape gore o e tlhaloganye.



	Lebelelela setshwantsho sa motshikinyego go re o tihaloganye botoka.
<b>6.</b>	Kwala dintlha tse o batlang go di gakologelwa.

Go ruta thuto ya sekolo sa tshipi mo lapeng

O ka ipaakanya le go ruta thuto e jang

Re tswelala ka go abalana maele a go ipaakanya le go ruta thuto e:

<b>Kgato</b>	<b>Tiriso</b>
<b>7.</b>	Tihaloganya maikaelelo a thuto a e leng gore ngwana wa gago o tshwanetse go a gakologelwa.
<b>8.</b>	Ruta ngwana wa gago thuto jaaka polelo, o ka nna wa bala.
<b>9.</b>	Supegetsa ngwana wa gago setshwantso sa motshikinyego mme o soboke molaetsa.
<b>10.</b>	Laela ngwana go dira tekeletso e mo lokwalong la gagwe la ikatiso
<b>11.</b>	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya batlhomamisiwa 1.
2. Buisanyang ka thuto le batsadi ba bangwe go tsaya tihaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng
4. Itshwaraaganye le mogokaganyi wa sekolo sa tshipi kana morutabana wa sekolo sa Tshipi go go fa kitso e nngwe.



# Thuto

<b>Setlhogo</b>	Noah le areka
<b>Temana</b>	Genesis 6
<b>Maikaelelo a thuto</b>	Re gakololwa go tshepha Modimo le go mo obamela

## Tshoboko ya thuto:

- Batho ba lefatshe ba ne ba lebetse Modimo ba simolola go dira bosula.
- Se se ne sa tena Modimo thata a tsaya tshwetso ya go nyeletsa lefatshe.
- Ke Noah le bo morwae Shem, Ham le Japheth ba ba neng ba tshela botshelo jwa semodimo.
- Ka lebaka le Modimo wa re go Noah: “Aga sekepe se segolo ka dikgong. Tsena mo arekeng wena le ba lelapa la gago. Tsena le bobedi jwa phologolo nngwe le nngwe, nona le tshadi, o boo o tsaya dijo tse dintsi. Ke tla go bolola wena le ba lelwapa la gago le diphologolo tse.”
- Noah wa latela ditaello tsa Modimo.
- Ka nako eo go ne go sena sekai sa pula, ka jalo batho ba ikgatha ka Noah le ba lelwapa la gagwe go bo ba aga areka, mme Noah o ne a obamela Modimo e bile a mo tshepha thata.
- Fa areka e sena go fela, Noah le ba lelapa la gagwe le diphologolo ba tsena mo arekeng, mme Modimo a tswala setswalo. Pula e ne ya simolola go na mme lefatshe la sengwa ke merwalela.
- Modimo wa solofetsa Noah gore ga a kitla a senya lefatshe ka morwalela, a tlhoma motshe wa badimo jaaka segakolodi sa seo.

## Thuto e re ruta eng?

- Modimo o babalela bana ba gagwe ka gore o a ba rata.
- Le fa Noah a ne a sa tlhologanye o ne a tshepha Modimo gore o tla mmoloka. O ne a tshepha Modimo, mme le rona re tshephe Modimo.
- Noah o ne a obamela ditaello tsa Modimo, le rona a re obameleng Modimo, batsadi le barutabana.
- Notshe wa badimo ke sekai sa gore Modimo o diragatsa ditsholofetso tsa gagwe.



- Tsholofetso e kgolo ya Modimo ke gore Jeso o tla tla go re tseela gae.

### Dipotso tse re ka di botsang:

1. Bana ba ga Noah ba ne ba le kahe le gone maina a bone ke mang?  
A: 3 – *Shem, Ham le Japheth*
2. Diphologolo go tsene di le kahe mo arekeng?  
A: 2 – *ya monna le ya mosadi*
3. Modimo o ntshitse sesupo sefe e le segakolodi sa tsholofetso ya gagwe mo go Noah?  
A: *Motshe wa badimo*
4. Ka go reng Modimo o ne wa boloka Noah le ba lelwapa la gagwe?  
A: *Noah o ne a tshela botshelo jwa semodimo*

### Thapelo ya rona

#### Thapelo ya ga mme le rre e rapelwang pele ga thuto

*Modimo Rara wa legodimo, Re lebogela letsatsi le lengwe la bopelontle jwa gago.*

*Ke kopa o segofatse mme le rre, baruti ba rona le ditsala tsa rona le ba masika*

*Re rapela gore re nne re go tlotla le go latela ditaello tsa batsadi ba rona*

*Re segofatse gore re nne le lerato le bopelontle mo go mongwe le mongwe yo re kopanang nae*

*Segofatsa sekolo sa rona sa Tshipi gape re leboga go bo o re tlhophile go nna bana ba gago.*

*Re batla go tswelelea re le boikanyego go fitlhela o tla go re tseela gae.*

*Re kopa tse tsothhe ka leina la gago le le tlotlegang. Amen*

#### Thapelo morago ga thuto:

Modimo Rara o ko Legodimong.

Re lebogela go bo o re babaletse le go re re kgone go amogela polelo ya Baebela Re lebogela go re babalela gore re seka tsena mo dikotsing.



Re thuse go tlotla mme le rre le go nna pelontle mo go botlhe ba re kopanang nabo. Re kopa o re thuse le mo tirong ya sekolo.

Segofatsa Moapostolo o Mogolo, Ba Apostolo le baruti. Re kopa o ba sireletse fa ba ntse ba tsamaya gore bat le ba re rute thata ka ga gago, Modimo.

Thusa bana ba gago botlhe, bogolo jang baba lwalang le baba senang se ba se jang le fa ba nnang teng. Re kopa o tle kapela go re tseela gae.

Re kopa tse tsothle, e seng gobo re na le tshwanelo ya sone, mme ka leina la ga Jeso. Amen.